

Bismillah Rahman Rahiim.

Ūtaūri wa ibuku:

Mathomo ma bata kūrī aithiramu o-othe

Mwandiki: ABDIL AZIZ IBN ABDILLAH IBN BAAZ.

Mutaūri wa kīrabu: HAITHAM IBN MOHAMMED JAMIIL SARHAAN.

MUTAŪRI WA GĪKŪYU: MOHAMMED SEIF.

Mwandiki ABDIL AZIZ IBN ABDILLAH IBN BAAZ ambiriire na rītwā rīa Mwene Nyaga Mugai wa Indo cioothe gūkū thii, ngeithi na thayū ikinyire mutūmwo Mohammed na famirī yake na aruto ake o-othe

Ibuku riri rina maundū meerī maria aithiramu o-othe maagiriire kūmenya thiini wa dini yao.

الدروس المهمة لعامة الأم

Mathomo ma bata kūrī andū o-othe:

Ndahoya Mwene Nyaga atūteithie tūhote gutaithika ithuohte na ibuku riri.

Ciūria CIA bata kwiūria:

1. Nikii gitūmi GIA guthoma mathomo maya?

Mwandiki arauga: Ni mathomo ma bata kūrī andū o-othe.

Akongerera akauga niwega mūrutwo enyihie na ndakeyambararie mbere ya athomi.

MUJAHID augīte: 'Mundū wi thoni na mwiaambo ndangīgīa gīthomo'

MARĪA ME IBUKU-INĪ RĪRĪ

1. Njīra cia athomi a tene thīini wa KORANI. (gūthoma, kumīcīria na kūmīrutīra wira).
2. Kūmenya ūithiramu, gwīka maūndū ūgītīgīra Ngai kūhoya Ngai wiki.
3. Mahoya. الصلاة.
4. Gwīthambia ukahoye. الوضوء.
5. Kwigemia na mithugo ya ūithiramu.
6. Mikana ya aria makoragwo na ngai CIA mihianano.
7. Kuharīria kīimba, gūkīhoyera na gūthika.

GITŪMI GĪA KWAMBĪRĪRIA NA RĪTWA RĪA NGAI

1. Kūmīrīra ibuku ria korani na atūmwo o-othe.
2. Kurūmīrīra mīario ya mūmwo Mohammed ngeithi iron mūkinyira "kindū gīothe wambīrīrie na rītwā rīa Mwene Nyaga"

Gūthomo kia mbere. الدرس الاول.

Ūtaūri wa kībungo kīa mbere gīa korani na ibugo igī nguhi.

Kībungo kīa mbere. السورة الفاتحة

1. Kwa rìtwa rîa Ngai mûgai wa Indo cioothe mwîngi wa tha. Indo cioothe gûkû thii nîrî tha no tûtingîganania na tha CIA Mwene Nyaga.
2. Gatho cioothe nî cîa Mwene Nyaga mureri wa indo cioothe thîî-îno. Kindu gîothe gûkû thi nî nî Ngai ukîroraga
3. Muthamaki wa mûthenya wa mwico. Ni Mwene Nyaga agakorwo agîthamaka mûthenya ûrî thi îgathia.
4. Noowe wiki tûhoyaga na noowe wiki twîtagia ûteithio. Mahoya nî maûndû moothe Ngai endete na akametîkîra. Ûteithio wa Ngai nî kûria Ngai akûrehere maûndû mega na akwehererie maûndû mooru.
5. Ûtûtongorie njîra-inî njega. Njîra-inî ya maûndû maria Ngai endete.
6. Njîra-inî ya arîa wîkîre wega. (Arîa nî ta atûmwô na arîa metîkia atûmwô acio na arîa makua magîkûrûîrîra) arîa matakûrakarîtie kana makau.a wegainî waku.

#### Mûhari wa gîti الأية الكرسي

Mwene Nyaga ûrîa hatirî Ngai tiga we ûtûraga muoyo mûrûgamîrîri wa indo cioothe. Ndacûngaga kana gûkoma. Mwene indo cioothe matu-inî na thi yoothe. Nû ûngîohera mbere yake tiga ena rûtha rwake (Ngai) ? Nîwe oi marîa me mbere na marîa thutha wao; ciombe citioî ona kî oogî-inî make (Ngai)tiga o marîa endete.utongoria wake ûnyorîte igûrû na thî; na kûmenyerera indo icio ûtimuremete; nîwe Ngai arî igûrû na nîwe mûnene.

Mûhari uyu warîtie uhorô wa ûnene wa Ngai na û-ûmwe wake na ûhoti wake na ûthamaki hatirî ûhana Ngai.

#### Kîbungo kîa gîthingithia سورة الزلزل

Kwa ritwa rîa Ngai mwene kûheana indo cioothe.

1. Rîrîa thî igathigithio gîthingithia kînene .
2. Na thî îrute indo cioothe thîî-inî wayo.
3. Na andû nîmakauga “kaî thi îna ki ûmûthî”.
4. Mûthenya ûcio thi îkaruta mohoro moothe.
5. Kwa rûtha rûrîa (thî) îgakorwo îhetwo ni Ngai.
6. Hîndî iyo andû nîmakauga(maburinî) ikundî – ikundî monio ciako ciao .
7. Oo kaûndû mûndû ekire ona ge kanini kega nîakarîhwo.
8. Oo kaûndû mûndû ekire ona ge kanini kooru nîakarîhwo.

Ngai Mwene Nyaga arauga ûhorô gîthingithia kînene gîgakorwo mûthenya ûcio wa mûico , andû arîa mathikîtwo makaburi-inî makaumîra igûrû . Na o mûndû arîhwo kûringa na wega wake kana ûru ( ona ge kanini kana kanene).

#### Kîbungo kîa Mbarathi سورة العاديات

1. Ngai arehîta na Mbarathi irîa irateng’ara ihenya inene .
2. Ikîrutaga miaki nî ihenya makinya-inî .
3. Ihobanîrie ihinda ria kîroko .
4. Na ikaruta rûkungû rûingî muno.

5. Na ikaingira makundi-inî ma thû na imahûre.
6. Ngai akehîta atî mûndû agakararia Ngai wake mûmûombi .
7. Nake nioî macio moothe.
8. Na agakorwo na wendo wa ûtonga wa thi îno.
9. Kai atoî he hîndî îgakinya arîa me makaburi-inî Mariûkio.
10. Na (Ngai) nî akaumbûra maria me ngoro-inî ciao.
11. NGAI Mwene Nyaga nî akamamenya mûno mûthenya ocio.

Ngai ararîria maûndû marîa makahanîka .ûthenya wa mûico.

Kîbungo kîa kaaria سورة القارعة

1. Kiûndû mûthenya wa mûico
2. Na nîkîûndû kîrîkû gîkî ?
3. Na nîkî kîngîkûmenyîthia kîûndû gîkî.
4. Mûthenya ûrîa andû o-othe makahunjîka o-ta tûtambi.
5. Irîma inyaganio ihane rûkungû rûrombûka.
6. Rîu ûria ciako ciake îgakorwo na ûritû (ciako njega).
7. Ûcio agakorwo mûtûrîre-inî mwega.
8. Nake ûrîa ciako ciake îgakorwo itarî ûritû.
9. Ûcio agakorwo mûtûrîre-inî muuru (mwaki-inî)
10. Na nîkî kîngîkûmenyîthia (mûtûrîre ûcio).
11. Ni mwaki mûnene mûno.

Ngai Mwene Nyaga ararita mîkana kûrî arîa mareka ciako itarî na nîjîra atî mwaki mûnene ni ûmetereire icua-inî.

Kîbungo kîa Takaathur: سورة التكاثر

Kwa ritwa rîa Ngai mûrathimi irathimo cioothe.

1. Mwerûmboya na gwetha ûtonga
2. Nginya mwatwika aa gûtwarwo makaburi-inî (mwakua)
3. Tigwo ûguo! Kabuuri-inî nî mûkerira .
4. Oorîngî (Nauga) nî mûkerira.
5. Tigwo ûguo! Takorwo nî muuî ûmaa.
6. Ndî na maa nîmûkona mwaki.
7. Nama ni mûmkoona mwaki.
8. Nama mûthenya ûcio nî mûkorio wîgie irathimo.(irîa mwaheirwo ni Ngai).

Ngai arahe mûkana andû arîa merûmboiya na gwetha ûtonga,mariganîro nî atî nîharî mûthenya mûndû agakua,na atwarwo kabuuri-inî ,kûu nîmakooona ,nama nama nîmûkona na nîmûkorio irathimo cioothe mwaheirwo ni Ngai.

Kîbungo kîa asr. سورة العصر

Kwa ritwa rîa Ngai mûrathimi irathimo cioothe.

1. Ndehîta na mathaa ma hwaînî.
2. Andũ o-othe me hathara-inî.
3. Tiga arîa metîkitie Ngai na mageka ciîko njega na makanyitana na ûmaa na ûkîrîria.

Ngai arehîta na mahinda ma hwaînî akahe mûndũ woothe thîinî wa thî ino agakorwo hathara-inî tiga arîa megûkorwo agika ciîko njega na makanyitana na ûmaa na ûkîrîria matigakorwo hathara-inî ino.

#### Kîbungo kîa Humazah سورة الهمزة

Kwa ritwa rîa Ngai mûrathimi irathimo cioothe.

1. Ehera inene kûrî ûrîa aragia ndeto ciene na njîra njûrũ .
2. Ôrîa acokanîrîrie ûtonga mûingi na kûûtara (ndarahûthira na njîra njega)
3. Agecîria ûtonga nî wagûtûra mîndî na mîndî.
4. Aca! No akaherithio mwaki -inî witagwo hutwama.
5. Na nîkî kîngîkûmenyîthia mwaki ûcio witagwo hutwama?
6. Ni mwaki wa Ngai wakitio wega wega.
7. Ucinaga nginya miyo-inî
8. Ooma mwaki-inî makahingîrwo kûu thî-inî
9. Matore kûu ihinda inene.

Ngai Mwene Nyaga araruta mûkana kûrî andũ arîa maragia ndeto ciene na ngûcambîa arîa angi na wira wao no ngûcokanîrîria ûtonga mûingi matarage, na atikûruta gûtaithia arîa matarî ,meharîrie na ihera inene kuuma kwi Ngai.

Mwaki-inî makahingîrwo ûgakorwo mûnene mûno, ûmacine kinya ngoro na magazûra kûu mîndî na mîndî.

#### Kîbungo kîa Fyl (Njogu) سورة الفيل

Kwa ritwa rîa Ngai mûrathimi irathimo cioothe.

1. Kaî ! Ôtonete ûrîa Ngai ekire andũ a Njogu?
2. Kaî ! (NGAI) atahurunjanirie meciiria maa biû.
3. Na akîmatomîra nyoni ikundî ikundî
4. Ikîmahora na tûmahiga twa tîri
5. Magîtwika ta mahuti matanuke.

Kîbungo gîkî kîganaga ûhoro wa mûtongoria ûmwe wendaga kwomora Kaaba nîho Ngai atûmire njeci ciake (nyoni) ikîmahora na mahiga.

#### Kîbungo kîa kuraici سورة قريش

Kwa ritwa rîa Ngai mûrathimi irathimo cioothe.

1. Nîngetha ahotithie ma-kuraici mathîi na mbere.
2. Mathîi na mbere na rûgendo rwao rwa imera-inî. Gûthîe Yaman na gûthîe Shamu.
3. Narîu nîmahoye Ngai wa nyumba -îno( Kaaba)
4. (Ngai) Ôria amaheaga gîa kûrîa hîndî ya ng'aragu na akamahe thayû hîndî ya ûgwati.

### Kibungo kĩa Maun السورة الماعون

Kwa ritwa rĩa Ngai mûrathimi irathimo cioothe

1. Îi nîwonete (nîuî) ûrĩa akararagia mûthenya wa mûico ( mûthenya wa marîhi) .
2. Ôcio newe ahinyagîrîria ciana CIA ndigwa.
3. Nda rûmboyagia kûhe athîni gĩa kûrĩa
4. Na ihera inene kûrî arĩa mahoyaga.
5. Arĩa mahuthagia mawatho ma mahoya.
6. Arĩa mahoyaga nîgetha kwonia andû ( atî ni arahoya)
7. Mûimani wa indo cia raithi.

### Kibungo gĩa Kauthar السورة الكوثر

Kwa ritwa rĩa Ngai mûrathimi irathimo cioothe.

1. Ooma nîtûkûhete maingî mega.
2. Rîu hoyo Ngai waku na ûthînje (îrute igongona kwi Ngai)
3. Ooma Thû yaku (we Mohammed) nîyo îkwona ûru.

Ngai arauga mawega marĩa ahete mûtomwo Mohammed (ngeithi na thayû ikinyîre mutûmwo) utûmwo,ûûgî na maingî mega, kwoguo hoyo na ûrute magongona kwi Ngai Mwene Nyaga. Na arĩa marauga atî ndûkwona wega oo nîo matakona wega.

### Kibungo kĩa Kaafiruun السورة الكافرون

Kwa ritwa rĩa Ngai mûrathimi irathimo cioothe.

1. Uga ,”inyuî mûtetîkitie Ngai”
2. Ndîhoyaga kîrĩa muhoyaga.
3. Na inyuî mutihoyaga kîrĩa hoyaga.
4. Na ndîkahoya kîrĩa muhoyaga.
5. Na inyuî mutihoyaga kîrĩa hoyaga.
6. Mwina ndîni yanyu naniî ndîna ndîni yakwa.

Arĩa mahoyaga mîhianano mendaga mûtûmwo Mohammed ahoye mîhianano mwaka ûmwe hamwe nao ,nao mahoye Ngai mwaka ûmwe nake. Ngai akîmûkûrûkîria kibungo gîkî

### Kibungo kĩa Nasr السورة النصر

Kwa ritwa rĩa Ngai mûrathimi irathimo cioothe.

1. Rîrĩa ûtaithio wa Ngai ûgoka na ûhotani.
2. Na nîokoona andû ikundî ikundî makîingira ndîni-inî ya Ngai
3. Hau ûtogîrie rîrwa rĩa Ngai na omûgoce na ûhoye Ngai akwohere mehia maku.

### Kibungo kĩa Lahab السورة الذهب

**Kwa ritwa rîa Ngai mûrathimi irathimo cioothe.**

1. Hena kûnyarîrîka kwa mooko ma Abu Labab! Nake nî anyarîrîkîte.
2. Ûtonga wake ndûkamûteithia hamwe na indo îria ethete.
3. Rîrîa agakua akaingira mwaki-inî mûnene mûno.
4. Na mûka, muni wa ngû (cia bitina) akaingira mwaki-inî.
5. Ngingo-inî yake îna mûkwa mwogotho (ûrîa aunaga ngû naguo)

Abu Lahab arumaga mûtûmwo Mohammed nake Ngai agîtueka wakûmûruma mehamwe na mûka. Na akîmerîra mwaki-inî nîkuo mwico wao .

**Kîbungo kîa Ikhas.**

Kwa ritwa rîa Ngai mûrathimi irathimo cioothe.

1. Uga: Ûcio ni Ngai Ûmwe (tu).
2. Ngai Mwene Nyaga nîwe abatiî kûhoywo.
3. Ndaciaraga na ndaciarirwo.
4. Na hatirî ûhana Ngai ona ûmwe (thî ino)

**Kîbungo kîa Falaq.**

**Kwa ritwa rîa Ngai mûrathimi irathimo cioothe.**

1. Uga: Ndegîtîra na Ngai wa thî soothe.
2. ANandegita na ûûru wa indo îria ombîte.
3. Nandegita na ûûru wa nduma ya ûtukû ûrahenia.
4. Nandegita na arîa mahuhaga ikundo (arogi )Arîa matigithanagia andû).
5. Na ûûru wa andû a wirû.

**Kîbungo kîa Naas السورة الناس**

**Kwa ritwa rîa Ngai mûrathimi irathimo cioothe.**

1. Uga: Ndegîtîra na Ngai mureri wa andû.
2. Mûthamaki wa andû o-othe.
3. Ûrîa ûhoyagwo nî andû o-othe.
4. Nandagitîra na ûûru wa ûrîa arehaga wagagu wa gûcokia Thûtha.
5. Ekîraga wagagu ngoro-inî cia andû.
6. (Ûrîa ni) Thîî-inî wa andû na njini.

**أسئلة على المقدمة والتفسير**

**Cioria cia kiambîrîria na ûtaûri wa ibuku:**

1. **Nûû mwandîki wa ibuku rîrî?**
  - A. Abdul\_Aziz\_ibun Baaz (Ngai aromuigura tha)
  - B. Mohammed bin Uthaimiin (Ngai aromuigura tha)

C. Haitham Sarhaan.(Ngai amuhe matukû maingî)

2. Nîkî gîtûmi gîa tûthome mathomo ma bata?

A . Nîûndû nî ma bata.

NiB . Nîûndû mena maûndû maria aithiramu marabatara.

C . Nîûndû athomi nî mekîrîre bata wa mathomo maya.

D . Moothe maya me mbere.

3. Ibuku rîrî rîraria ûhoro ûrîku?

A . Ûria muithiramu akoragwo na korani na ûûmwe wa Ngai.

B .Mahoya na gwithamba.

C .Mithugo naûigîrîrîki

D . Mîkana ya gwîka maûndû mooru.

E .Kûharîria kîimba.

F . Moothe maya me mbere.

4 . Muithiramu ambagîria gûthoma ,kunyîta na gûtaûra ki?

A. Kîbungo kîa Al-alaq

B. Kîbungo kîa Al-fatîha

C. Kîbungo kîa Al-ikhas

5 . Korani igayanîtie andû maita meeri.

A . Nîguo

B . Tiguo

6 . Ibuku rîrîkû mûrutwo agîrîre kwambiriria narîo?

A. Ibn Kathîr

B. Ibn Saadi

C. Al-Kurtubi.

7. Mûrutwo agîrîre kwambiriria na matemo ma ibuku mbere ya ibuku.

A . Nîguo.

B . Tiguo.

8. Mûrutwo agîrîre kwambîrîria îria

9. Mûrutwo nî agîrîre gûthikîrîdia ûtaûri angîkorwo ndaraîkia mûthomi .

A. Nîguo

B. Tiguo

10. Mûtûmwo Mohammed nîahete mîkana mûndû gûthoma korani na ndecirie  
ûria îrauga.

- A .Nîguo
- B . Tiguu

أسئلة على التفسير السورة الفاتحة:

11. Kîbungo gîkî gîtagwo fatiha nîgûkorwo gûtirî kindû kîingîra kana kuuma kîbungo-inî gîkî.  
 A. Nîguo  
 B. Tiguu
12. Itagwo kîbungo kîa kûhigûngûra nîkî?  
 .....
13. Kîbungo gîkî nîkîrî marîtwâ magi.gweta  
 A .  
 B .  
 C.
14. Kwigitîra na Ngai noonginya nîkî?  
 .....

15 .Kiugo kwigitîra nî kuuga atîa?

- .....
16. Saitani etirwo mûigatwo nîkî?
18. Ngai nî.....
19. Mûthenya wa marîhî nî .....
20. KUGA( Tutongorie njîra aria njega) nî ihoya.  
 A. Nîguo  
 B. Tiguu
- 21.Mahoya nî.....

أسئلة على تفسير آية الكرسي:

22. Wetirwo mûhari wa gîtî nîûndû gîtî nîkîgwetetwo thî-inî.  
 A. Nîguo  
 B. Tiguu
23. Nî mûhari ûrîkû mûnene korani-inî?
24. Mûhari wa gîtî ûgwetete marîtwâ maigana ma Ngai

الدرس الثاني: اركان الاسلام

Githomo gîa keeri: Marîa marugamagia uithiramu.

Uithiramu urûgamitio nî maûndû matano.

1. Gwitikia na ngoro na kuuga na kanua atî: Hatirî ngai ingî tiga oo Ngai Mwene Nyaga Muumbi wa indo cioothe.na Mohammed nî mûtûmwo wake.

2. Kuuga atî hatirî ngai ingî tîga Ngai Mwene Nyaga nî maûndû meeri, wa mbere nî kûrega rîrî wauga (Hatirî) na wakeerî nî gwikîra kinyi atî (Tîga) Oo Ngai Mwene Nyaga nîwe abatîi kûhoywo.
3. Ngoro-înî witîkie atî Mahoya moothe nî kwi Ngai Mwene Nyaga.
4. Witîkie uuma woothe wî thî-inî wa ciugo Ici.
5. Wendo waku mbere nî kwenda Ngai na wende marîa Ngai athanîte .
6. Na ûrûmîrîrie ciîko njega irîa Ngai athanîte
7. Gwitîkîra gwa ciugo, ciîko na kurûmîrîra marîa Ngai athanîte.
8. Witîkie marîa moothe mahoyagwo tîga Ngai nî ûuru na mûgarûrû na wendi wa Ngai Mwene Nyaga.

Igayûkanio cia wendo: اقسام المحبة

1. Kwenda hamwe na Ngai . nî ûuru kwenda kindû ûrîa wendete Ngai Mwene Nyaga.
2. Kwenda nî ûndû wa Ngai. Nî wega mûndû kwenda kindû nîûndû wa Ngai.
3. Wendo wa ûndûire (ta kwenda mûtumia, kwenda mwana).

ما معنى قول المسلم(عبده) في شهادة أن محمداً

رسول الله؟

Kiugo (ngombo) thî -inî wa witîkio nî.atî mûtûmwo Mohammed ndagîrîre nî kûhoywo. Na we nî maûndû umbîtwo ota andû arîa agî.

نبذة من سيرة النبي محمد صلى الله عليه وسلم

Kihumo kîa mûtûmwo Mohammed:

- 1.Marîtwa : Mohammed mwana wa Abdullah mwana wa Abdul Mutwalib mwana wa Hashim kuma rûrîrî rwa Kuraici kuma rûrîrî rwa Arabu rûciaro-inî rwa Ismaaîrî (Ismael) mwana wa Ibrahimu( Ibrahim).
- 2.Gûcirwo: Aciarirwo mwaka-inî wa Njogu mûciî wa Makkah,agîikara thî ino miaka mirongo îtandatûna îtatû, miaka mirongo îîrî e mûtûmwo,na arî mwana wa ndîgwa, ithe akuîte ona atemûciare, akîrerwo ni gukawe na gukawe akua mamawe akîmûrera.
- 3.Atûmitwo kûrî: Andû o-othe na manjini.
4. Ndûmîrîri:Kuhunjia Ngai Ûmwe na kûgiria ûhoi wa mîhianano.
5. Thabarî : Nî thabarî nene kuma Makkah nginya Jerusalem (الاسراء و المعراج) kwambata matu-ini
6. Gûthama: Nî athanîre kuma mûci-inî wa Makkah nginya Madina na agîkuîra kûu
7. Gûkinyia ndûmîrîri: Niarîkirie ndûmîrîri yake ota ûrîa atûmitwo. Hati agîire mûndû kwongerera kana kunyihia kîndû.
8. Haro irîa arûire : Badiri, uhud,Hadaki,khaibar,fatuh Makkah,Tabuuk na Hunaini.

9. Ciana : Qaasim, Ibrahim, Abdallah, Zainab, Ruqaiya, Umu Kulthuum, Fatmah o-othe makuire mbere yake tiga oo Fatmah akuîte mîeri itandatû thûtha ûcio.
10. Atumia: Khadija, Aisha, Sauda, Hafsa, Zainab Al halaliyah, Umu Salamah Hind, Zainab bint Jahsh, Juwwairiyah bint Haarith, Sophia bint Huyaay, Umu Habiba Ramla, Rihaanat bint Zaid, Maimuna bint Haarith. Wendo wa Ngai ûromakinyira
11. Kwonga gwake: Nyina Amina, Thuwaibah, Haliimatul Saadia (wendo wa Ngai ûromûkinyira)
12. Kîbungo kîa mbere: Al alaq ( mîhari itano ya mbere)
13. Ambere kûmwîtkia: Andû agima Abu Bakr, Atumia Khadija na ciana Ali, na arekererio Zaid na ngombo Bilaal (wendo wa Ngai ûromakinîra )
14. Thabarî ya Hajji na Umura: Mûtûmwo Mohammed nîathire thabarî inya cia Umura na Hajji îmwê.
15. Mîtugo yake: Mîtugo ya mûtûmwo Mohammed yathianagia na korani (Torîa korani îrauga na Nyina witû Aisha augîte)
16. Kûmenya rûgano rwake: Ibn Al Qayim arauga agîkorwo ûnene wa wa mûndû gûkû thii umanîte na mutûmwo Mohammed nonginya mûndû ûcio amenye ûtongoria wake na rûgano rwake ,ûrîa arutire andû nduma-inî ya ûhoi mîhianano nginya ûhoi Ngai Mwene Nyaga.

الدرس الثالث: أركان الإيمان.

Gîthomo gîa gatâtû :Marîa marûgamîtie witîkio wa ûithiramu.

Witîkie wa ûithiramu.

1. Gwitîkia Ngai Mwene Nyaga.
2. Gwitîkia araika
3. Mabuku make (ma Ngai)
4. Atûmwo ake (o-othe)
5. Mûthenya wa mûico.
6. Gwitîkia maûndû moothe nî ma Ngai (meega na mooru)

Witîkie nî: Kuuga na kanua na gwitîkia na ngoro na na ciîko cia ciîga cia mwirî. Wongererekaga (witîkio ) na ciîko njega na ûnyihagio nî ciîko njûrû.

Dariri ya maûndû maya:

1. Mûtûmwo augîte, 'kaûndû kanene nî kuuga hatirî ûbatie kûhoywo tiga Ngai Mwene Nyaga.
2. Na akauga (mûtûmwo) Maria kanini nî kweheria giko barabara-inî
3. Dariri ya witîkio wa ngoro nî Mûtûmwo augîte “ Kwona thoni No witîkio “
4. Dariri ya kwongereraka witîkio . Ngai arauga “nû ûmwe wanyu Wongereire witîkio.

5. Dariri ya kunyiha Kwa witikio, mûtûmwo augîte”ndionete arîa manyihîtie hakiri na ndîni (witikio)

Itûmi cia kwongereraka witikio

1. Gûthoma marîtwâ na ngumo cia Ngai Mwene Nyaga.
2. Kwongerera gwathîkîra Ngai Mwene Nyaga.
3. Gûtiga maûndû mooru.
4. Gwîcîria na kwona indo îria Ngai ombîte.

Itûmi cia kunyiha kwa witikio

1. Gûtiga gûthoma marîtwâ na ngumo cia Ngai Mwene Nyaga.
2. Gûtiga gwathîkîra Ngai Mwene
3. Gwîka maûndû mooru.
4. Gûtiga gwîcîria na kwona indo îria Ngai ombîte

Ûtaûri makîria : Witikio wa Ngai.

1. Gwitikia atî Ngai ekwo  
Ni maita mana
  - a. Na hakiri.
  - b. Thamiri.
  - c. Ûndû wa atî no nginya.(mûtugo)
  - d. Nakiwaatho wagîithiramu.
2. Gwitikia atî nîwe mûreri wa indo cioothe thîi-inî îno.
3. Gwitikia atî nîwe Ngai Mwene Nyaga wagîrîrwo nî kûhoywo.
4. Gwitikia marîtwâ na ngumo cia Ngai Mwene Nyaga .

Ûtaûri makîria: Witikio wa Araika..

Araika nîmoî maûndû mehithîte, Ngai amombire na ùtheri, matûrîte maathîkîre Ngai na matiîkaga mehia.  
Amwe nimahetwo mawira ngûrani .

Ûtaûri makîria: Witikio wa mabuku.

Nonginya mûndû muithiramu akoragwo etîkîtie mabuku moothe na ni ciugo cia Ngai kûhîtûkîra atûmwo ake (Ngai).

Ûtaûri makîria: Witikio wa Atûmwo.

Muithiramu etîkîtie atûmwo o-othe nî a Ngai Mwene Nyaga na matiagirîre kûhoywo mûkîte kûrehe ndûmîrîri yake (Ngai Mwene Nyaga).

Wa mbere nî Adam na wa mûico nî MOHAMMED (thayû wa Ngai ûromûkinyira)

Arîa anene nî atano ( Mohammed,Nuhu, Ibrahîmu,Musa,Njîcû) thayû wa Ngai ûromûkinyira.

Ûtaûri makîria: Witîkio wa mûthenya wa mûico.

Nî gwitîkia maûndû moothe marîa mutûmwo Mohammed atwîrire gûkahanîka thûtha wa mûndû gûkua ta maûndû ma kabuuri-inî, mwaki,ikenerwo na mangi maingî.

Ûtaûri makîria: Witîkio atî Ngai nîwe Mwene ûhoti woothe.

Nî maita mana:-

1. Ûmenyo wa maûndû moothe
2. Atî maûndû moothe nîmandîke nginya mwico wa thî -ino
3. Moothe mekîkaga ni wendi wa Ngai.
4. Atî andû o-othe mûmbitwo nî Ngai na maûndû moothe marîa mekaga.

Gîthomo gîa kana الدرس الرابع

أقسام التوحيد وأقسام الرُّك

Ûrîa ûrûmwe wa Ngai ûgayanîtio na ûrîa ûhoi mîhianano ûgayanîtio.

1. Ûrûmwe wa Ngai ûgayanîtio maita mathatû:-

A . Ngai Mwene Nyaga nîwe Mûûmbi wa indo cioothe thîi-ino. الربوبية  
nîwe mwiîki wa mûndû moothe

B. Ngai Mwene Nyaga nîwe abatiî kûhoywo. الألوهية

C. Marîtwa na ngumo cioothe njega nî cia Ngai Mwene Nyaga. Ota ûrîa korani na mûtûmwo augîte. الاسماء والصفات الحميدة

2. Ûrîa ûhoi mîhianano ûgayanîtio maita mathatû:-

A. Mûnene

B. Mûnini

C. Wîhithîte

A. Mûnene

Ûrîa ekaga ciîko njûrû ta kûhoya mîhianano,gûthîra ngoma ciîko ciake nî cia burî na agatûra mwaki-inî arîkia gûkua,tiga ahoire mûhera kwi Ngai Mwene Nyaga. Ngai nî augîte korani-inî na mûtûmwo akauga mathomo-inî make.

### **B. Mûnini.**

Maya nî maûndû marîa mûndû ekaga nîgetha andû mamûgane î gwîka nîgetha andû mûne agîe ngumo. Ngai nî amenete ûndû ûcio wa mûndû kwionania.

### **C . Wîhithîte.**

Ûhoi mîhianano no ûgayanio meeri no athomi makauga atî mûndû woothe aingîra ûithiramu ehithanîtie na maûndû mangi igûtarwo o-ta ûhoi mîhianano wîhithîte.

### **NGÛRANI YA NENE NA NINI:**

#### **Mûnene.**

1. Ikûrutaga ûithiramu-inî .
2. Ûgatûra mwaki-inî wakua.
3. Cîiko cioothe nî cîa burî.
4. Nî abatiî kûragwo.
5. Ndakoherwo akua atahoyete mûhera
6. Angîhoya mûhera wama Ngai nî amwohagîra.

#### **Mûnini.**

1. Ndîkûrutaga ûithiramu-inî
2. Ndûgatûra mwaki-inî
3. Cîiko cioothe ti cia burî
4. Ndabatie kûragwo
5. Moothé marîa watho urauga.

### **الدرس الخامس Gîthomo gîa gatano**

#### **الاحسان. Kîrîa kîrûgamagia wega wa mûndû.**

Nî kimwe tu.

Kûhoya Ngai Mwene Nyaga ta ûramwona na akorwo ndûramwona ûmenye We Ngai Mwene Nyaga nî arakwona.

### **الدرس السادس. Gîthomo gîa gatandatû.**

#### **الصلاة. Mahoya.**

Marîa magîrîre kûrorwo mûndû akihoya

- Akorwo muithiramu.
- Akorwo na hakiri.

- Akorwo na ûmenyo.
- Akorwo eheretie gîko kîa mwîrî الحدث
- Akorwo eheretie gîko kîa nja النجاسة
- Akorwo ehumbîte wega kûringana na watho.
- Mahinda ma mahoya makinye
- Akorwo arorete kibla (kûria aithiramu maroraga makîhoya)
- Wendî (Nia)

#### ÛTAÛRI RÎMWE KWA RÎMWE

1. Akorwo muithiramu nîkuga atî mûndû ûtarî muithiramu ona angîhoya nî burî.
2. Akorwo nahakiri ti mûgûrûki
3. Akorwo na ûmenyo ti mwana nîaramenya atî emahoyainî.
4. Akorwo ethambîte na ena uthu.
5. Akorwoate na gîko ta kahinda (kîoro kînene kana kinini) , thakame Kana kindû kibatiî gûtherio .
6. Kûhumbîra njaga ( mûndû mûrûme mûkonyo nginya maru,mûtumia mwîrî woothe tiga ûthiû.
7. Mahinda o ihoya rî ihinda
8. Kûrora kibla ( kûria aithiramu o-othe maagîrîire kûrora makîhoya
9. Wendî wa kûhoya Ngai wiki (wendî umaga ngoro)

#### Gîthomo kîa mûgwanja الدرس السابع

##### Maûndû marîa mendekaga wike ûkihoya.

1. Kûrûgama ûngîhota
2. Kuga Ngai nî mûnene
3. Gûthoma kîbungo kîa mbere Al fatiha.
4. Kûinama na kunyita maru
5. Kûrûgama kuma maru-inî.
6. Guturumithia mutwe thî.
7. Ûkauma guturumithia mutwe thî.
8. Ugaikara thî hanini mbere ya uturumithatie rîngî.
9. Kûhorera o handû
10. Mûtaratara mûndû-inî moothe
11. Tashahudu ya mwico
12. Gûikaro kîa mwico.
13. Kûhoyera mûtûmwô
14. Ngeithi ûkirîkia

#### Githomo gîa kanan الدرس الثامن

### Maûndû ma bata ûkihoya واجبات الصلاة

1. Kuga Ngai nî mûnene ûgîcenjia gûikaro
2. Kuga Ngai nîaiguaga arîa mamûtûgagîria.
3. Kuga wi Ngai ûbatie kûgochwô.
4. Wi Ngai Mûtheru na Mûnene.(kîinamo ruku)
5. Wi Ngai Mûtheru na ûri igûrû.(guturumithia mutwe)
6. Ngai njohera maita meeri.( Gûikaro waturumithia mutwe)
7. Tahiyat ya mbere
8. Gûikaro kîa mbere.

### Gîthomo gîa Kenda التاسع

#### Tashahudu nîkî ما هي التشهد

Nî Kuga:

At-Tahiyyaat nî ya Ngai Mwene Nyaga nîwe abatiî kûhoywo na maûndû mega moothe nî ma Ngai Mwene Nyaga. Thayû ukorwo igûrû rîa mûtûmwo na irathimo cia Ngai Mwene Nyaga imûkinîre. Ngai Mwene Nyaga tûma Mahoya kûrî mûtûmwo Mohammed otaûrîa watûmire kûrî ndûngata yaku Ibrahim na ûrathime Mohammed o-taûria warathimire ndûngata yaku Ibrahim, We Ngai Mwene Nyaga wî na ngumo na ugoci mûnene.

### Gîthomo gîa ikumi العاشر

#### Maûndû magîrîire Mahoya-inî no tonginya

#### سينن الصلاة

1. Ihoya ria kwambiriria
2. Kûigîrîra guoko kwa uurio igûrû wa guoko kwa umotho ,gîthûrinî mbere na thûtha wa rukuu
3. Kwoya mooko ukiuga takbiira(Ngai nî mûnene)
4. Kuuga Ngai ûbatie kûgochwô makîria ya rita RÎMWE (rukû na sujuud)
5. Kwongerera kaûndû thûtha wa rukuu
6. Kûiganania mutwe na mûgongo (rukû)
7. Gûkûnjûra mooko,nda na ciero, ciero na mîthirimo(sujuud)
8. Kwoya mooko naigûrû wî sujuud.
9. Gûikarîra kûgûru kwa umotho wî Tahiyat ya mbere na ya mûico.
10. Gûikara thî wî gîikaro kîa mûico التورك
11. Gûkûnjûra kîara kîa mûira(Tahiyat ya mbere na ya mûico)
12. Kûhoera mûtûmwo Mohammed na Ibrahim na famîrî ciao Tahiyat ya mbere.
13. Kûhoya thûtha wa tashahudu ya mwico.
14. Gûthoma korani wanîrîire Mahoya-inî ma:fajr(kîroko) jumaa,indî, Kûhoera mbura na rakaa igîrî cia mbere magrb na ishaa (Mahoya ma ûtukû)
15. Gûthoma kîbungo kîngî gîa korani thûtha wa fatiha.

### Gîthomo gîa ikumi na îmwe.

#### الدرس حادي عشر

## Marîa mathūkagia Mahoya (SWALA)

### مبطلات الصلاة

1. Kwaria ûkîmenyaga.
2. Gûtheka
3. Kûrîa/Kûnyua
4. Kwonekana njaga
5. Kûgarûrûka kibla
6. Kwîhogûra maingî hatarî bata
7. Gûthûkia ûtheru(uthu)

### Wîtîkîrîku wa ciako îmwê Mahoya-inî

1. Haraam ta kwîhogûra maingî hatarî bata
2. Mak ruuh ta kwîhogûra hanini hatarî bata
3. Mubaha ta gûthûa nderu
4. Mustahab ta gûthinga mwanya mûhari-inî wa swala.
5. Wajib ta kweheria giko

### Sujuud ya kûriganîrwo

#### سجود السهو

### Nî maita mathatû:-

1. Ûkarigarwo ûkongerera ta rukuu kana sujuud
2. Ûkarigarwo ûkanyihia
3. Ûkarigarwo ndûramenya ûhoyete îtatû kana inya(gûtukanirwo) mûndû agîrîire kwoya îmwê ya matua arugame nayo.

### Matemo ma ûrîa Mahoya makoragwo

#### ملخص في الصلاة

1. Jumaa: no nginya, ihinda ria mîraho, rakaa igîrî (2) ûthomi wa korani wanîrîire.
2. Ihoya ria riûa na mweri kunyitana, to nginya, ihinda rîrîa wahanîka ûguo, rakaa igîrî (2) ûthomi wa korani wanîrîire, rukuu igîrî (2) oo rakaa.
3. Witr, Sunna nene, ihinda ria thûtha wa mahoya ma Whainî (ishaa), rakaa îmwê nginya ikumi na îmwê (1-11), ûhoyaga îmwê ûkarîkia kana igîrî, igîrî ûkarîkia na îmwê.
4. Sunna cia fajr (ihoya ria kîroko), Sunna nene, ihinda mbere ya fajr rakaa igîrî (2) Athome kîbungo kîa Kaafiruun rakaa ya mbere na ikhlas rakaa ya keeri.
5. Sunna cia dhuhri (mahoya ma miaraho), Sunna, Rakaa inya mbere(4) na igîrî (2) thûtha, ûhoyagwo igîrî igîrî.
6. Sunna cia magrb( ihoya ria riûa rîgîthoa), Sunna, rakaa igîrî (2) ihinda ria thûtha wa maghrb, Athome kîbungo kîa Kaafiruun rakaa ya mbere na ikhlas rakaa ya keeri.
7. Sunna cia ishaa (mahoya ma whainî) Sunna, rakaa igîrî (2) ihinda thûtha wa mahoya ma ishaa
8. Tarawih, Sunna, ihinda mweri wa Ramathani thûtha wa mahoya ma whainî, rakaa igîrî (2) nginya ikumi (10) acoke arîkie na îmwê.

9. Kugeithia muthigiti ,no nginya, ihinda oo rîothe waingira muthigiti, rakaa igîrî (2) mbere ya wikaŕîte thî.
10. Thuha (riûa rîa rîkia kûratha), Sunna, rakaa igîrî (2) ihinda ria riûa kûrîkia kûratha nginya mathaa ma thaa ithano.
11. Istikhaara (mahoya ma wî bata), Sunna, ihinda oo rîothe wî na bata, ûtanarîkia ihoya uge mabataro maku moothe ûrenda kwira Ngai Mwene Nyaga.
12. Ihoya ria mbura Sunna, ihinda rîrîa gûtarî mbura rakaa igîrî (2) mûthenya-inî, akauga takbiira mûgwanja rakaa ya mbere na takbiira ithano rakaa ya keeri.
13. Sunna ya indî, Sunna, riûa rîa rîkia gûcomoka, rakaa igîrî (2) khutuba igîrî (mûtongoria arîrie andû maita meeri), takbiira mûgwanja rakaa ya mbere na takbiira ithano rakaa ya keeri.

#### Mahinda marîa ûtabatie kûhoya mahoya Maya

##### اوقات النهى عن النوافل المطلقة

1. Thûtha wa mahoya ma kîroko nginya riûa rîcomoke mûigana wa itimû.
2. Thûtha wa mahoya ma asr nginya riûa rîthoe.
3. Rîrîa riûa rî gatagati (thîta)

#### Gîthomo gîa ikumi na keeri

##### الدرس الثانى العشر

Arîa magîrîire kwoya uthu:-no nginya akorwo

1. Muithiramu
2. Ena hakiri
3. Ena ûmenyo
4. Wendî (nia.
5. Wendî wake ndûgacenjje
6. Ndarî na kindû kîrathokia uthu hîndî.(ta atawathe agitugumaga.
7. Ambe ethambe angîkorwo nî egûthiete kahinda.
8. Akorwo na mai matheru na ti ma ûici.
9. Eherie kîrîa kingîgiria mai gûkinyira ngothi ya mwîrî.
10. Gûkinya mahinda ma mahoya angîkorwo ena mûrimû ûgiragia aikare na uthu.

Ûndûire wa mûndû na ndîni

##### سنن الفطرة.

1. Kûrua ,arume no nginya
2. Kwenja nderu cia maniûrû
3. Gûtinia ngunyû
4. Kwenja nderu cia njegeke
5. Kwenja njwîrî cia njaga-inî
6. Kûiga nderu
7. Gûkinya magego

#### Gîthomo gîa ikumi na gatatû

### الدرس الثالث عشر

Udhu : Wagîrîrwo gwîka

1. Gûthambia ûthiû hamwe na kanwa na maniûrû.
2. Gûthambia moko nginya gîgokora.
3. Kûhura mutwe hamwe na matû.
4. Gûthambia maguru nginya igûrû wa thûngwa.
5. Mataratara wa gûthambia ciaga Ici
6. Kûrûmanîrîria utegûtigithania.

Marîa mathûkagia udhu

1. Gûthîe kahinda kanene kana kanini.
2. Kûruta gîko kîa mwîrî ta thakame, mahira kana matahiko.
3. Kûrwo nî hakiri ta kûnyitwo nî toro
4. Kûhutia njaga mbere kana thûtha.
5. Kûrîa nyama ya ngamîra
6. Kuuma ûithiramu-inî.

Menya atî gûthambia kîimba gûtithûkagia uthu tiga muthambia ahutirie njaga ya kîimba na moko matheri.

Kûhutia mûtumia waku gûtithûkagia uthu.

Gwîthambia hatarî maai

التيمم

Nî muithiramu kûhûthîra tîri ihinda rîrîa gûtarî maai

Kana wîmûrwaru ûtangihûthira maai

ûhutagia tîri na moko ûkahura ûthiû na mooko mwena wa nja.

Gwîthambia mwîrî woothe.

صفة الغسل.

ûgakorwo na mwendi(nia).

ûkauga:Kwa ritwa rîa Ngai Mwene Nyaga.

ûgacoka ugathambia mwîrî woothe ûtegûtiga una **HA.**

HARÎA NO NGINYA GWÎTHAMBA.

1. Andû kwonana ki mwîrî (mûthûri na mûtumia). Mûndûrûme kumwo hinya wa ûndûrûme.
2. Mûtumia arîkia kahinda ka mweri na arîkania thakame ya ûciari.
3. Mûndû akua.
4. Mûndû atwîka muithiramu.

## KÛHURA THOGITHI

### المسح الخفين

1. Nonginya ûkorwo uma uthu ûgîkira.
2. Nonginya thogithi ikorwo nî theru.
3. Ikorwo ikirîte thong'wa ûraihi.
4. Ukihura ûkorwo nî ûtheru ûrabatara uthu.
5. Ihinda nî mathaa mîrongo îrî na mana harî mûikarî na mûndû wî thabarî thikû ithatû.
6. Mûndû ahuraga igûrû no ti mwena wathi
7. Ihinda rîa thira mûndû agîrîre arute etherie rîngî.

## GÛTHIE KAHINDA

### قضاء الحاجة

1. Akîingira aingirie na kûguru Kwa umotho na auge Kwa ritwa rîa Ngai.
2. Na akiuma aume na kûguru kwa ûrîo.
3. Akorwo e haraihi na andû.
4. Ndagathie njîra-inî
5. Kana mûtî-inî wa matunda kana harîa andû mahurûkaga
6. Ndagatangatange njaga
7. Arîkia ethambe na mai kana ehure na kindû kîngî.
8. Ta ihiga (mahiga mathatû)
9. Ndakuhure na kîndû kina gîko.
10. Kana kîndû muthemba wa irio.

## ZAKAA

### الزكاة

ZAKAA nî maita meeri

1. *Zakaa ya* utoga îkoragwo oo mwaka.
2. Zakaa ya Ramathani

Ya mbere mûndû arutaga kûringana ûtonga wake mûno mûno thahabu na na fetha,mahiû,irio cia mûgûnda

Ya keeri nî Ramathani îgîthira.

## ARIA MAGÎRÎIRE KÛHEO ZAKAA

1. Mûthîni
2. Masikini
3. Arîa marutagîra zakaa wira
4. Arîa maingîra ûithiramu-inî

5. Ngombo irîa ciretio m eca irekererio.
6. Arîa mena mathirî.
7. Arîa maumîte nîûndû wa Ngai.
8. Agendi.

#### Kûhiga

#### الصيام

Kûhiga nîkî?

Nîkûhoya Ngai na njîra ya kwaga kûrîa na Kûnyua kuma kîroko nginya whainî.

#### Kîrîa kîrûgamagia Kûhiga

1. Wendi (Nia).
2. Kwaga kûrîa kindû.

#### Mîthemba ya Kûhiga.

1. Kûhiga kwa nonginya.
2. Kûhiga kwa kwiendera.

#### Ûrîa agîrîire Kûhiga.

1. Ûithiramu.
2. Ugima wa hakiri.
3. Ûgima mwîrî.
4. Mûikarî ( mûndû atarî mûgendi).
5. Mûndû atarî murwaru.
6. Mûtumia akorwo atarî kahinda-inî ka mweri kana thakame thutha mutumia kugia mwana.

#### Mîthemba ya mîrimû :-

1. Mûrimû ûtahonagwo.
2. Mûrimû ûhonagwo.

#### Ramathani îingîra atîa?

Mweri kwoneka kana kûnina thikû mirongo îtatû cia mweri wa shaaban.

#### Marîa mathûkagia Kûhiga.

1. Kûria na Kûnyua ûkîendaga.
2. Kwonana kî mwîrî mûthenya.
3. Kwiruta hinya wa ûndûrûme.
4. Kûhûthîra irio mûthemba wa dawa.

5. Kûruta thakame kwa wingî.
6. Gwîtahîkia.
7. Kahinda ka mweri kana thakame thutha mutumia kugia mwana.

#### Maûndû marîa metîkîrie hîndî ya Kûhiga

1. Kûmeria mata
2. Gûcama irio he bata.
3. Gwîthamba mwîrî.
4. Gûkiinya magego.
5. Kwîhaka maraci.
6. Kwîhurutîra.

#### Nîwega mûndû kû:-

1. Kûrîa irio cia ûtukû
2. Gûcerithîria irio cia ûtukû.
3. Kûhingûra naihenya whainî.
4. Kûhingûra na tende.
5. Gwîka mahoya itha ria kûhingûra.
6. Wongerere iruta nîûndû wa Ngai.
7. Kûhoya ûtukû mûno.
8. Gûthoma korani mmûno.
9. Kuga we wimûhingu kûrî arîa makûhîtîria.
10. Gûthîe Umura.
11. Gûikara muthigiti ûkihoya.(litikaaf.)
12. Gwetha ûtukû mûnene.

#### Nîûru mûndû kû:-

1. Gûtinda na maai kanua kana maniûrû.
2. Gûcama irio hatarî bata.

#### KÛHIGA SUNNA

1. Thikû ithathatû thûtha wa Ramathani.
2. Mûthenya wa Arafat.
3. Kûhiga ashuura.
4. Kûhiga jumatatû na aramithi.
5. Kûhiga tariki(13,14 na 15) oo mweri.
6. Kûhiga mûthenya ûmwe ûgatîrîria mûthenya.
7. Kûhiga thikû kenda mweri wa hijja
8. Kûhiga mweri wa shaaban.

9. Kûhiga mîeri ya bata.

Kûhiga gûtakenagia Ngai ni:-

1. Kûhiga Jumaa wiki.
2. Jumamothi wiki.
3. Kiumia wiki.

Mîthenya arîa ûtagîrîre Kûhiga.

1. Kûhiga Rajab wiki.
2. Kûhiga mûthenya wa indî.
3. Kûhiga mûthenya wa ngarari.
4. Kûhiga mwaka mûgima.

ZAKAA YA MWICO WA RAMATHANI.

Irutagwo nî mûndû woothe kanini na kanene mûico-inî wa Ramathani Nîgetha andû makûngûîre hamwe na makene hamwe.

IHINDA RÎA KÛRUTA

1. Thikû amwe kana igîrî Ramathani îtanathira.
2. Mûthenya wa indî
3. Nî ûru kûruta thûtha wa mahoya ma indî.

HAJJI .

الحج.

Nî îmwê ya marîa marûgamîtie ûithiramu.

Na nonginya harî mûndû woothe.

Îkoragwo na maûndû mana.

1. Wendo (Nia),na gwikîra nguo.
2. Kûrûgama Arafat mûthenya wa Kenda.
3. Gûthiûrûrûka Kaaba.
4. Gûthîe Safaa na Marwaa.

MÎTHEMBA YA HAJJI.

Îna maita mathatû:-

1. Hajji wiki.
2. Hajji na Umura hamwe.
3. Ambiririe na Umura acoke ahurûke arîkie na Hajji.

Mûndû angîtiga kaûndû kamwe karîa kabatie gwikwo.

Arute mbûri athinje na agaire athîni.

Ihinda nì mweri wa Shawwal, Thu Qaadah na Thu Hijja.

O andū niharî harîa magîrîre kwiharîria magîthie HAJJI.

#### MÎTUGO YA ÛITHIRAMU:

1. Kwaria maa
2. Gûkorwo naûigîrîrîki.
3. Kûigua thaa.
4. Kûigua thoni.
5. Mûriganio mwega
6. Gûtaithania ûria mûndû agîhota.

#### HADABU CIA ÛITHIRAMU:

1. Ngeithi.andû macemania.
2. Gûkenara .
3. Kûrîa na Kûnyua ûkîhûthîra guoko kwa uurio.
4. Kuuga Ngai nî mûnene ûkîambîrîria kûrîa.
5. Gûcokia ngatho kwi Ngai warîkia kûrîa.
6. Ûrîe irio iria ii hakuhî nawe.
7. Gûcokia ngatho thûtha wa gwathimûra.
8. Kûhoyera ûcio wathimûra(Ngai aromuigura tha).
9. Gûcerera arwaru.
10. Kûhoyera akuo na gûthika.

#### MÎKANA HARÎ ARÎA MAHOYAGA MÎHIANANO.

Maûndû mûgwanja marîa Ngai Mwene Nyaga athûire :-

1. Kûgîa ngai cia mîhiano.
2. Gûikirio mbûgû.
3. Kûraga mûndû.
4. Kûrîa mbesa cia njoherera.(interest).
5. Kûrîa ûtonga wa ciana cia ndigwa.
6. Kûûra haro-inî.
7. Kîgenyo atî mûirîtu mutheru nîatharîtie.

#### Mangi nî:-

1. Kûhîtaria aciari.
2. Kûamûkania nyûmba.
3. Kwaria maheni.
4. Kwihîta maheni.
5. Kûhîtaria arîa mûriganitie.
6. Kûnyarira andū harî Indo cioothe.

7. Mûcene
8. Kûnyua njohi.
9. Gûûtha kamarî.
10. Kwagîra andû gîtio.
- 11.